

# Innkalling til Årsmøte i Varhaugbuen for 2022

Måndag 24. april 2023

Eigarlaga:

- Varhaug Bedriftsforening
- Varhaug Bondelag
- Varhaug Bygdekvinneleg
- Varhaug Bygdeungdomslag
- Svala 4H
- Varhaug Misjonshus
- Varhaug Skulemusikkorps
- Vennelaget for Lerbrekk Skule
- Elgane Motorsykkelklubb
- DNT Edru Livsstil
- Vennelaget for lensmannsløa
- Varhaug Pensjonistlag

vert med dette kalla inn til

## Årsmøte i Varhaugbuen Måndag 24. april 2023 kl 19.00

i Bygdahuset Varhaug SA (Rådhusgata 2A )

Kvar organisasjon har høve til å møta med 1 representant med røysterett, men møtet er sjølvstøtt ope for interesserte observatørar (utan røysterett). Bladet vert distribuert på dugnad, og dei som deler ut bladet vert invitert til å vere med på årsmøtet (utan røysterett)

Organisasjonane nedanfor vert inviterte til å delta på årsmøtet som observatørar. For å verta medeigar av Varhaugbuen, må laget betala eit eingongsbeløp på 1000kroner.

- Hå senioruniversitet
- Ueland Forsamlingshus
- Hå Hagelag
- Hå skytterlag
- Hå Karateklubb
- Hå pistolklubb
- Varhaug Idrettslag
- Fotoklubben

### Sakliste

1. Godkjenning av innkalling og sakliste
2. Val av møteleiar og referent
3. Val av to til å underteikne møteboka saman med møteleiaren
4. Årsmeldinga for bladet
5. Rekneskap for bladet
6. Innkomne saker
7. Val av styre
  - A. Benjamin Hølland 4H - på val (ny skal vere frå BU)
  - B. Gaute Ødemotland Bondelaget - ikkje på val
  - C. Terje Vik VBF - ikkje på val
  - D. Brit Obrestad Vennelaget Lerbrekk skule. - på val
  - E. Per-Arvid Jakobsen Misjonshuset - ikkje på val(1 av representantane skal veljast til leiar. Styret konstituerer seg sjølv)
8. Val av 1. varamann: Ingvar Reiestad Vennelaget Lerbrekk skule - på val  
Val av 2. varamann: Eivind Galtvik Vennelaget for Lensmannsløa - på val
9. Val av revisorar : Rune Odland og Irene Hobberstad - på val

Valperiode er 2 år for styremedlemer, 1 år for revisor og varamedlemer.

Vel møtt! Det vert enkel servering,

Helsing styret for Varhaugbuen

# ÅRSMELDING 2022

Varhaugbuen kom som planlagt ut 4 gonger i løpet av året. Ein trykkjer 2000 eks. kvar gong, kostnad for trykking ligg i snitt på kr 35000, alle utgåvene har vore på omlag 40 sider, det har vært mykje stoff.

Me prøver å ha eit variert innhald og ikkje meir annonse enn naudsynt for å dekkja trykkekostnadane.

Økonomien er god og stabil. I 2022 gjekk bladet med eit overskot på ca kr 15700. Resultatet er litt varierende frå år til år, avhengig av om alle annonsørane har betalt før nyttår eller etterpå, og om det er nokre særskilde tiltak iverksette. Me har stadig fleire abonnentar, litt kjem frå grasrotandelen og mange er rause med betalinga av gåvegiroen.

Og tilbakemelding på bladet har vore særst god, mange er fulle av lovord om korleis det allsidige livet på Varhaug vert presentert,- både dei friviljuge organisasjonar, forretningane og det som skjer på løa.

Varhaugbuen sin redaktør, Liv Hobberstad, har også 2022 stått på og samordna innspel og sjølv laga mykje stoff. Og ho har hatt god dialog med Odd Aandal i Jærprint som står for trykking.

Det er halde 4 styremøter og handsama 27 saker i løpet av året. Kwart styremøte er i forkant av utgjeving av nytt nummer av Varhaugbuen og sakene er stort sett same slag på alle møtene..

Me har ikkje hatt dei store sakene dette året. Men me har forstått at bladet vert lest og kommentert. Dette året slapp coronaen taket i januar, og ein var tilbake på vanleg aktivitetsnivå. Og Liv klarte å få særst mykje bra stoff i bladet dette året, sånn at dei tre siste blada hadde 44 sider, medan det første nummeret var prega av at det hadde vore ein laber periode som slutta og det var på 32 sider.

Redaktøren gjer eit stort og godt arbeid og er ein viktig person for Varhaugbuen, og Liv har fått litt godtgjersle for arbeid og kjøring dette året óg. Det tykkjer me ho fortener. Det er godt frammøte på styre-/redaksjonsmøtene og god stabilitet i styret.

Styret i 2022 har vore;

Leiar:	Terje Vik	VBF
Nestleiar:	Gaute Ødemotland	Bondelaget
Kasserar:	Brit Obrestad	Vennelaget Lerbrekk skule
Sekretær:	Per-Arvid Jakobsen	Varhaug Misjonshus
Styremedlem	Benjamin Hølland	4H
1.vara:	Ingvar Reiestad	Vennelaget Lerbrekk skule
2.vara:	Eivind Galtvik	Vennelaget for Lensmannsløa



Sekretær Per-Arvid Jakobsen

<b>Rekneskap 2022 for Varhaugbuen</b>			
<b>INNTEKTER</b>	<b>2022</b>		<b>2021</b>
Salgsinntekter annonser	kr	154 000,00	kr 138 000,00
Abbonement og gaver	kr	21 800,00	kr 31 850,00
<b>Sum salgsinntekter</b>	kr	<b>175 800,00</b>	kr 169 950,00
Tippemidler grasrotandelen	kr	6 107,00	kr 6 514,00
Anna inntekt			
<b>Sum inntekter</b>	kr	<b>181 907,00</b>	<b>kr 176 464,00</b>
<b>UTGIFTER</b>			
Trykking av Varhaugbuen	kr	144 480,00	kr 123 149,00
Honorar Liv Hobberstad	kr	8 000,00	kr 8 000,00
Gaver			kr 199,00
Leie lokaler			
Kontorrekvisita	kr	376,00	kr 40,00
Data/EDB- kostnad	kr	1 875,00	kr 1 875,00
Møte o.l. (mat m.m)	kr	1 634,00	kr 2 310,00
Porto	kr	10 580,00	kr 10 002,00
Reklamekostnad	kr	897,00	kr 3 094,00
<b>Sum driftskostnader</b>	kr	<b>167 842,00</b>	<b>kr 148 669,00</b>
<b>Driftsresultat</b>	kr	<b>14 065,00</b>	<b>kr 27 795,00</b>
Renteinntekt	kr	1 254,00	kr 87,00
Annen finansinntekt	kr	404,00	
<b>RESULTAT</b>	kr	<b>15 723,00</b>	<b>kr 27 882,00</b>
<b>BALANSE</b>			
		<b>31.12.2022</b>	<b>31.12.2021</b>
Kundefordringer	kr	2 500,00	kr 1 000,00
Påløpt rente, ikke bokført			
Bankinnskudd, kontanter	kr	203 963,00	kr 189 740,00
<b>Sum eiendeler, egenkapital</b>	kr	<b>206 463,00</b>	<b>kr 190 740,00</b>
<b>Varhaugbuen eig 1 sau og 1 føl i stein som har stått utanfor rådhuset</b>			

## Revisjonsberetning

for  
år 2022


### Til årsmøtet i «Varhaugbuen»

Regnskap for 2022 er gått igjennom og funnet i orden. Etter vår mening er årsregnskapet som inneholder så vel resultat som balanse avgitt i samsvar med lov, forskrifter og god regnskapsskikk og gir således et rettvisende bilde av «Varhaugbuen»'s finansielle stilling og drift.

Grunnlaget for våre revisjonshandlinger bygger på et gjennomført ryddig regnskap, og gode interne rutiner.

Årsregnskap kan etter vår vurdering godkjennes som klubbens årsregnskap for år 2022

Varhaug 27.01.2023 / 31.12.2022

  
Rune Odland

Valgt revisor

  
Irene Hobberstad

Valgt revisor

## **LITT OM BAKGRUNNEN FOR VARHAUGBUEN**

Eigarlaga er ulike i storleik og aktivitetar, noko som gjev ei spennvidde på bladet som me trur er positivt

Eigarandelen fordeler seg slik:

Varhaug Bondelag, Varhaug Bygdekvinnelag, Varhaug Bu og Svala 4H	kr 15.500
Varhaug Bedriftsforening	kr 15.500
Varhaug Misjonshus	kr 1.000
Varhaug Fråhaldslag (som no er DNT Edru Livsstil)	kr 1.000
Varhaug Bridgeklubb (som no er nedlagd)	kr 1.000
Varhaug Skulemusikkorps (som no er nedlagt)	kr 1.000
Vennelaget for Lerbrekk skule	kr 1.000
Elgane Motorsykelklubb	kr. 1.000
Vennelaget for lensmannsløa	kr. 1.000
Varhaug pensjonistlag	kr. 1.000

Me har alle same mål; å skapa eit blad som verkar samlande på varhaugbuar og er med på å skapa identitet til bygda, gjennom å synleggjera kva som finst av aktivitetar og tilbod, bedrifter og organisasjonar i Varhaug. Sjølv sagt ynskjer me at fleire organisasjonar òg vil vera med i bladet framover, for der mange tenkjer ulikt, der tenkjer ein nytt!!

Oppgåvene til styret er å:

- Fastleggja antal nummer av ”Varhaugbuen” pr. år
- Skaffa folk til redaksjonen og ta ansvar for denne
- Leggja forholda til rette, slik at redaksjonen kan gjera ein god jobb
- Halda økonomisk oversikt over bladet og skaffa til vege nok pengar til å kunna gje ut det fastlagte antalet ”varhaugbuar” i året.

Målet for styret har vore å gje ut 4 nummer av bladet kvart år. Folk på Varhaug skal få eit blad som er gildt å lesa og godt å sjå i, det skal fenga alle, anten dei er 7 eller 90 år. Bladet skal ha ei innhaldsmessig spennvidd og ha nok fargebilete til å gleda lesaren.

Liv Hobberstad er redaktør for bladet og møter på styremøtene. Bladet vert trykt på Jærprint. Når bladet skal distribuerast til alle husstandane i Varhaug, er det redaksjonen, styret og venene deira som trør til og køyrer/går kvar sine ruter. På denne måten får me minimale portoutgifter, og kan halda ein høgare kvalitet til lågare pris. Er bladet over 100 gr kostar det no 45 kr å senda bladet. Og med dei ca 1500 husstandane i Varhaug ser ein at me sparar cirka 67.500 kr per blad på denne måten.

Økonomisk er målet vårt at bladet skal finansiera seg sjølv, og dei 4 nummera av Varhaugbuen har vorte finansierte med annonsar frå velvillige bedrifter i bygda vår. Leiaren i styret har hatt ansvaret for sal av annonsar, slik at redaktøren har kunna konsentrera seg om det redaksjonelle. Dei andre medlemmane i styret prøver å bidra med innslag til bladet.